

## LIBER

gie doctus: theologus: philosophus: & astronom<sup>9</sup> insignis. Carmine Conradi Celtis astrorum perita laudatus: ingenio præstans & clarus eloquio: Scripsit non contemptendæ lectionis plura opuscula: quibus nomen suū notificauit. Sed pauca eorum ad noticiam meā peruenerunt:

In Georgij burbachij:

Theoricæ cōmentariorū: li. j

Ad ephimeridas Königsperg: li. j

Et quædam alia.

Viuit adhuc in gymnasio Cracouiensi: uaria componēs: sub Maximiliano Romanorum rege: Anno domini quo ista scribimus Millefimo. CCCC. XCIII. Indictione duodecima.

**T**heodericus de Osenbrück: natione teutonicus: ordinis fratrum minorū: prouinciæ Coloniensis: uir in diuinis scripturis exercitatus: declamator sermonum populariū famosissimus: cuius uitam omnes qui eum nouerunt sanctissimam hoc tempore prædicant: in sermonibus faciendis ad populum tanta gratia diuinitus illustratur: tanta facundia loquitur: tanta deniq; compunctione & dulcedine afficit auditores suos: ut similem apud Germanos habuerit neminē. Vnde & per totam prouinciā generalis prædicator constitutus est. Legit mihi nuper dum Coloniæ mecum esset: opusculū in signe & deuotioni congruū: quod composuerat ad instantiam Hermāni archiepiscopi Coloniensis:

De passione domini: li. j Reuerēdissimo in christo.

Manuale simpliciū: li. j Quia sicut Augusti.

De exercitio interiori: li. j Qui perseuerauerit.

Et quædam alia.

Viuit adhuc in puincia Coloniē: cæpto fortiter instās officio: sub Maximiliano rege: & Alexandro papa sexto: Anno dñi Mill. CCCC. XCIII.

**B**artolomæus Coloniensis: natione teutonicus: uir in sæcularibus litteris egregie doctus: ingenio subtilis & disertus eloquio: philosophus & poeta præclarus: cuius carmina etiā doctissimi poetæ & mirantur & laudibus at tollunt: Scripsit utroq; stilo nonnulla celebranda opuscula: quibus nomen suum notificauit. E quibus ego hucusq; uidi tantum opusculū de laudibus philosophiæ metro compositum quod prænotauit:

Syluam carminum: li. j Cur Plutoni aurum præ.

De secta Diogenis: li. j Quisquis auet cynice.

De alijs nihil uidi.

Viuit usq; hodie Dauantriæ uaria componens: sub Maximiliano rege: & Alexandro summo pontifice sexto: Anno dñi quo hæc scripsimus Mill. CCCC. XCIII.

**I**ohannes thurotz Pannonius: uir in sæcularibus litteris studiosus & exercitatus: ac diuinarum scripturæ: im non ignarus: ingenio præstans & clarus eloquio: Fertur nonnulla cudisse opuscula: quibus nomen suum notificauit. E quibus extat uolumen non abijciendam: quod multa industria composuit continens:

Chronicā ungaricæ: li. iij Iugis octo bis annis nobis.

Et quædam alia.

Viueret adhuc dicitur & uaria componere: sub Maximiliano rege: Anno domini Millefimo. CCCC. XCIII.

**H**ieronymus de Padua: natione Italus: uir in diuinis scripturis studiosus: & in sæcularibus litteris egregie doctus: philosophus & poeta præclarus: ingenio excellens & disertus eloquio: scripsit quædam non contemptendæ lectionis opuscula: quibus memoriam sui posteris cōmendauit. E quibus extat libellus pulcherrimus: Iesuida prænotatus: ad Petrum donatū Paduanæ urbis episco

*Carm. Virgini*